



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03) te na osnovu člana 6. Odluke Vlade Srednjobosanskog kantona o usvajanju programa korištenja sredstava, s kriterijima utroška sredstava, ostvarenih od vodnih naknada iz nadležnosti Ministarstva poljoprivrede, vodoprivrede i šumarstva u 2021. godinu, broj: 06-21-2902/21- 2 od 23.04.2021. godine, Ministarstvo poljoprivrede, vodoprivrede i šumarstva Srednjobosanskog kantona objavljuje

**JAVNI POZIV
za odabir korisnika sredstava
ostvarenih od vodnih naknada iz nadležnosti Ministarstva poljoprivrede, vodoprivrede
i šumarstva Srednjobosanskog kantona u 2021. godini**

I. PREDMET POZIVA

Objavljuje se javni poziv za dodjelu sredstava za sufinansiranje projekata u oblasti:

- a. Sufinansiranje izrade projektne dokumentacije,
- b. Sufinansiranje izgradnje vodnih objekata,
- c. Sufinansiranje održavanja vodnih objekata.

Objavljuje se javni poziv za dodjelu sredstava za finansiranje projekata:

- a. Finansiranje nerealizovanih projekata koji su planirani po Programu utroška sredstava vodnih naknada iz 2020. godine,
- b. Finansiranje po programu utroška- izrada Strategije i Plana upravljanja vodama u SBK 2021.- 2025. godine;
- c. Izrada elaborata o ekonomskoj opravdanosti dodjele koncesije.

Sredstva za ove namjene su predviđena Budžetom Srednjobosanskog kantona za 2021. godinu Ministarstvu poljoprivrede, vodoprivrede i šumarstva i u skladu sa Odlukom o usvajanju programa korištenja sredstava, s kriterijima raspodjele sredstava, ostvarenih od od vodnih naknada iz nadležnosti Ministarstva poljoprivrede, vodoprivrede i šumarstva u 2021. godinu.

II. NAMJENA

U oblasti sufinansiranje projekata na području Srednjobosanskog kantona sufinansiraju se projekti:

- a. Sufinansiranje izrade projektne dokumentacije za vodne objekte, odnosno za projekte od značaja za jedinice lokalne samouprave (JLS), mjesnih zajednica i javnih preduzeća (zaštitni vodni objekti, vodni objekti za korištenja voda, vodni objekti za zaštitu voda) na području općina Kantona;
- b. Sufinansiranje izgradnje vodnih objekata, odnosno za projekte od značaja za jedinice lokalne samouprave (JLS), mjesnih zajednica i javnih preduzeća (zaštitni vodni objekti, vodni objekti za iskorištavanje voda- vodosnadbijevanje i navodnjavanje i vodni objekti za zaštitu voda od zagađivanja) na području općina Kantona;

- c. Sufinansiranje održavanja vodnih objekata, odnosno za projekte od značaja za jedinice lokalne samouprave (JLS), mjesnih zajednica i javnih preduzeća (zaštitni vodni objekti, vodni objekti za iskorištavanje voda- vodosnadbijevanje i navodnjavanje i vodni objekti za zaštitu voda od zagađivanja) na području općina Kantona.

U oblasti finansiranja projekata na području Srednjobosanskog kantona finansiraju se projekti:

- a. Finansiranje nerealizovanih projekata koji su planirani po Programu utroška sredstava vodnih naknada iz 2020. godine;
- b. Finansiranje po programu utroška- izrada Strategije i Plana upravljanja vodama u SBK 2021.- 2025. godine;
- c. Izrada elaborata o ekonomskoj opravdanosti dodjele koncesije.

III. PRAVO UČEŠĆA

Pravo na podnošenje projekata na javni poziv na području Srednjobosanskog kantona imaju:

- a. jedinice lokalne samouprave (JLS) i mjesne zajednice;
- b. javna preduzeća.

IV. SADRŽAJ PRIJAVE ZA UČESTVOVANJE NA JAVNOM POZIVU

Prijava mora biti urađen sadržajno po elementima zahtijevanim u potrebnoj dokumentaciji ovisno o pojedinom projektu.

Prijavu razmatra Komisija za razmatranje primljenih projekata na osnovu javnog poziva, vrednovanje primljenih projekata i sačinjavanje prijedloga odluke o dodjeli sredstava, koju imenuje Ministar poljoprivrede, vodoprivrede i šumarstva, ako su dostavljeni:

1. Zahtjev za uključivanje u projekt

Pod pojmom Zahtjev za uključivanje u projekt podrazumijeva se uredno popunjen obrazac „Zahtjev za uključivanje u projekt“.

Ukoliko Zahtjev za uključivanje u projekt nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod ostalim prilozima podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze.

Popis zahtijevane dokumentacije u ovisnosti od podnosioca zahtjeva i projekta za koju se oblast prijavljuje, dat je u potrebnoj dokumentaciji za odgovarajuću oblast.

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 3 (tri) mjeseca od dana objavljivanja ovog poziva, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a. Sve priložene kopije dokumenata moraju biti ovjerene od strane nadležnih upravnih organa ili notara.

V. KRITERIJI ZA OCJENU PRIJAVE I IZBOR KORISNIKA

Komisija za razmatranje primljenih projekata na osnovu javnog poziva, vrednovanje primljenih projekata i sačinjavanje prijedloga odluke o dodjeli sredstava izvršit će ocjenu prijava i vrednovanje projekata na osnovu slijedećih kriterija:

- a. kvalitet projekta koji će se realizovati na području Srednjobosanskog kantona;
- b. vrijednost projekta;
- c. stepen samofinansiranja;
- d. nova istraživanja;
- e. stepen zaštite okoline;
- f. povećanje zaposlenosti;
- g. potvrdu mjerodavne institucije o izmirenim poreskim obavezama i doprinosima ili sporazum sa nadležnom institucijom;
- h. rješenje o registraciji za obavljanje djelatnosti,
- i. potvrda nadležne institucije o izmirenim neporeznim prihodima koncesionih i vodnih naknada.

Na prijedlog Komisije Odluku o dodjeli sredstava donosi Vlada Srednjobosanskog korisnika i ista će biti objavljena u Službenim novinama SBK.

Broj prihvaćenih projekata – programa, te visina sredstava koja će se dati na raspolaganje korisniku, ovisit će isključivo od broja zahtjeva i visine planirani sredstava.

VI. PREUZIMANJE POTREBNE DOKUMENTACIJE

Potrebnu dokumentaciju za učešće na Javnom pozivu, pripremio je Ministarstvo poljoprivrede, vodoprivrede i šumarstva, ista se može preuzeti elektronskim putem na web stranici Vlade SBK www.sbk-ksb.gov.ba ili u prostorijama Ministarstva poljoprivrede, vodoprivrede i šumarstva u Travniku, ulica Prnjavor 16A svakim radnim danom u vremenu od 10-14 sati.

VII. PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo poljoprivrede, vodoprivrede i šumarstva
Stanična 43
72270 Travnik

sa naznakom : „NE OTVARATI – po javnom pozivu za odabir korisnika sredstava ostvarenih od vodnih naknada iz nadležnosti Ministarstva poljoprivrede, vodoprivrede i šumarstva Srednjobosanskog kantona u 2021. godini“.

Rok za dostavu programa – projekata je 20 (dvadeset dana) od dana objave javnog poziva.

Prijave primljene nakon isteka roka neće biti razmatrane.

VIII. TROŠKOVI PROJEKTA – PROGRAMA

U postupku javnog konkursa Ministarstvo poljoprivrede, vodoprivrede i šumarstva ne snosi nikakve troškove učesnicima poziva, te zadržava pravo da prijavu prihvati u cijelosti, djelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Ministarstvo poljoprivrede, vodoprivrede i šumarstva neće snositi nikakvu odgovornost prema učesnicima poziva, niti je obavezno objasniti razloge takve odluke. Prispjela dokumentacija neće se vraćati.

IX. REKAPITULACIJA

Red.br.	NAZIV	IZNOS (KM)
1.	SUFINANSIRANJE	866.191,33 KM
	a. Sufinansiranje izrade projektne dokumentacije	179.131,00 KM
	b. Sufinansiranje izgradnje vodnih objekata	387.060,33 KM
	c. Sufinansiranje održavanja vodnih objekata	300.000,00 KM
2.	FINANSIRANJE	397.000,00 KM
	a. Finansiranje nerealizovanih projekata koji su planirani po programu utroška sredstava vodnih naknada iz 2020. godine.	297.000,00 KM
	b. Finansiranje po programu utroška- izrada Strategije i Plana upravljanja vodama u SBK 2021.- 2025. godine.	50.000,00 KM
	c. Izrada elaborata o ekonomskoj opravdanosti dodjele koncesije.	50.000,00 KM
	UKUPNO:	1.263.191,33 KM

Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava između pojedinih projekata u okviru ukupno planiranih sredstava na pojedinu JLS ili javna preduzeća, ukoliko se za to ukaže opravdana potreba.

X. OSTALE ODREDBE

Sa kandidatima čije se prijave prihvate, Ministarstvo poljoprivrede, vodoprivrede i šumarstva će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe. Ministarstvo poljoprivrede, vodoprivrede i šumarstva će na stranici Vlade SBK objaviti listu poslovnih subjekata koji ne ispunjavaju uslove Javnog poziva, na koju poslovni subjekti imaju pravo prigovora u roku od 8 (osam) dana od dana objavljivanja liste.

Sve dopunske informacije vezane za poziv mogu se dobiti svakim radnim danom putem telefona broj 030/ 511 – 218 od 10,00 do 15,00 sati ili e-mail: mpvs@sbk-ksb.gov.ba.

Sve procedure imenovanja i nadzora definisani su u Programu utroška sredstava vodnih naknada za 2021. godinu.

Sastavni dio ovog poziva je Program i kriteriji utroška sredstava vodnih naknada za 2021. godinu.

Broj: 06-21-2902/21- 2

Travnik, 31.05.2021. godine.



MINISTAR

Salkan Merdžanić mr.sc.

Na akt stavljen

faksimil 572.